


鳴蛻貞

鶴

巖居

餘

音詞





鳴鶴餘音

虞集撰

叢書集成初編

(補印本)

鳴鶴餘音及其他二種

一九三七年六月初版
一九五九年十月補印

商務印書館出版

上海大眾文化印刷廠印刷

鳴鶴餘音

元虞 集撰

蘇武幔

自笑微生。凡情不斷。輕棄舊磯垂釣。走馬長安。聽鶯上苑。空負洛陽年少。玉殿傳宣。金鑾陪宴。屢草九重丹詔。是何年夢斷槐根。依舊一蓑江表。天賜我萬疊雲屏。五湖烟浪。無限野猿沙鳥。平明紫閣。日晏元洲。晞髮太霞林杪。蒼龍騰海。白鶴衝霄。顛倒一時俱了。望清都獨步高秋。風露洞天初曉。

掃盡風雲。綽開塵土。落得半邱藏拙。青松爲蓋。白石爲床。一切物情休歇。幾度蓬萊。布袍長劍。閒對海波澄澈。是誰家酒熟仙瓢。邀我共看明月。歸去也。玉宇寥寥。銀河耿耿。鐵笛一聲山裂。三花高擁。九炁彌羅。縹緲泰清瑤闕。手把芙蓉。凌空飛步。今夜幾人朝謁。便翻身

北斗爲杓。徧散紫甌香雪。

山月來時。海風不動。平地玉樓瑤宇。桂子飄香。露華如水。自按洞簫如縷。杳杳冥冥。冷冷歷歷。青鳥頻傳芳語。太微中鸞鶴相求。盡是舊時眞侶。君聽取。列豹重關。鼓雷千吏。天界更多官府。石女簪花。木人勸酒。爲我此間聊住。高唱微吟。揮毫萬丈。塵世等閒今古。看空山一色青青。何意斷雲殘雨。

浩月清霜。釣舟如葉。閒渡小溪澄碧。銀漢無聲。玉虹橫野。斗柄正垂天北。半幅烏紗。數根華髮。一緬野鳬飛鳥。問回仙城南老樹。能見幾何今昔。西華頂十丈高花。九天秋露。結就翠房瑤室。脫屣非難。凌空何遠。三咽雪融冰液。辟穀神方。食霞眞訣。一去更無消息。笑人間長住虛空。誰似一輪紅日。

放櫂滄浪。落霞殘照。聊倚岸回山轉。乘雁雙鳬。斷蘆漂葦。身在畫圖

秋晚。雨送灘聲。風搖燭影。深夜尙披吟卷。算離情何必天涯。咫尺路遙人遠。空自笑。洛下書生。襄陽耆舊。夢底幾時曾見。老矣浮邱。賦詩明月。千仞碧天長劍。雪霽瑤樓。春生瑤席。容我故山高燕。待雞鳴日出。羅浮飛渡。海波清淺。

對酒當歌。無愁可解。是個道人標格。好風過耳。皓月盈懷。清淨水聲。山色。世上千年。山中七日。隨處慣曾爲客。盡虛空北斗。南辰。此事有誰消得。曾聽得。碧眼胡僧。布袍滄海。直下釣絲千尺。掣取鯨魚。風雷變化。不時等閒奇特。寒暑相推。乾坤不用。歷劫不爲陳迹。可憐生忘却高年。長伴小兒嬉劇。

憶昔坡公。夜遊赤壁。孤鶴掠舟西過。英雄消盡。身世茫然。月小水寒星大。何似漁翁。不知今古。醉傍蓼花燃火。夢相逢。羽服翩翻。未必此時非我。誰解道。歲晚江空。風帆目力。橫槩賦詩江左。清露衣裳。晚

風洲渚。多少短歌長些。玉宇高寒。故人何處。渺渺予懷無那。歎乘桴浮海飄然。從者未知誰可。

十載燕山。十年江上。慣見半生風雪。對雪無舟。泛舟無雪。不遇並時高潔。斷港殘沙。今茲何夕。一似剡溪歸越。但掀篷數尺梅花。人迹鳥飛俱絕。君不見五老峯巔。浮邱絕頂。笑我早學華髮。返老還童。易籠爲妙。定有九還丹訣。霽景浮空。天光眩海。一體本無分別。便堪稱六一仙公。千古太虛明月。

歸去來兮。昨非今是。惆悵獨悲奚語。迷途未遠。晨景熹微。乃命導夫先路。風颺舟輕。候門童稚。此日載瞻衡宇。酒盈樽。三徑雖荒。松菊宛然如故。聊寄傲與世相違。舊交俱息。更復駕言焉取。琴書情話。尋壑經邱。倦鳥岫雲容與。農人告我。有事西疇。孤櫂賦詩春雨。但樂夫天命何疑。乘化任渠留去。

六十歸來。今過七十。感謝聖恩嘉惠。早眠晏起。渴飲饑餐。自己了無
星事。數卷殘書。半枚破硯。聊表秀才而已。道先生快寫能吟。直是去
之遠矣。沒尋思。拄个青藜。鞞雙芒屨。走去渡頭觀水。逝者滔滔。來
之袞袞。不覺日斜風細。有二漁翁。驀然相喚。你在看他甚底。便扶攜
穿起鮮魚。博得一樽同醉。

一徑通幽。畫屏橫翠。行到白雲深處。世外蟠桃。井邊佳橘。別有種萱
瑤圃。檀板輕敲。素琴閒弄。奉獻鳳膏麟脯。舞翩翩鶴髮飄飄。仍似舊
時仙母。君看取。華屋神仙。滿堂金玉。此是螭蚪朝暮。五色蓬萊。九
秋鵬鷖。別有出身之路。酒熟麻姑。雲生巫峽。稽首洞天歸去。任海波
清淺無時。何處綠窗雲戶。

雲淡風輕。傍花隨柳。將謂少年行樂。高閣林間。小車城裏。千古太平
西路。瞻波泱泱。言思君子。流水儼然如昨。但清遊天際。輕陰未便暮。

愁離索。長記得童冠相隨。浴沂歸去。吟咏鳶飛魚躍。逝者如斯。吾
衰甚矣。調理自存斟酌。清廟朱絲。舊堂金石。隱几似聞更作。農人二
合告我。有事西疇。窈窕挂書牛角。

十年窗下。見古今成敗幾多豪傑。誰會誰能。誰不濟。故紙數行明滅。
亂葉西風。遊絲春夢。轉轉無休歇。爲他憔悴。不知有甚干涉。寥寥
無住閑身。盡虛空界一片中宵月。雲去雲來無定相。月亦本無圓缺。
非色非空。非心非佛。教我如何說。不妨跬步。蟾蜍飛上銀闕。
末附無
俗念一

附錄馮尊師二十首

蘇武慢

飯了從容。消閑策杖。野望有何憑仗。帆歸遠浦。鷺立汀洲。千樹好
花微放。芳草池塘。錦江樓閣。隱隱雲堆青嶂。向東郊極目天涯。不

見故人惆悵。歸去也。翠麓崎嶇。林巒掩映。消遣晚來情況。幽禽巧語。弱柳搖金。綠影小橋清響。揮掃龍蛇。領略風光。陶寫丹青吟唱。這雲山好景。物外煙霞。幾人能訪。

原本此後有其
二共三等字。

返照迴光。終焉活計。何處可爲依託。凋零鄭圃。竹塢松溪。林下勝遊行樂。霞友雲朋。水色山光。幽影煙羅巖壑。更堂堂氣概。摩天一點浩然寥廓。堪愛處。蝶戲花梢。苔生石徑。風細日高。簾幙清虛器量。咀嚼乾坤。高邁市朝歡約。疎葛寬裁。搜玉橫拖。嘯傲東籬吟酌。把真情欲寫。奈何塵世。故人蕭索。

識破塵寰。樊籠跳出。飄蕩幸無拘束。萍蹤自在。雅操孤高。還若野雲麋鹿。過坎乘流。混俗和光。知止有何榮辱。恣陶陶海上人間。不管歲華催促。從此後。筆硯生塵。蠅蛙絕念。安分翠微雲屋。般般放下。事事都休。靜對小軒梅竹。一味疎慵。萬古淳風。便是眞常清。

福。任羣情晝夜世俗奔波。競爭蠻觸。

夢斷槐宮。倚天長嘯。勘破物情今古。擔簦映雪。射虎誅龍。曾把少年身悞。金谷繁華。漢苑秦宮。空有落花飛絮。嘆浮生終日忙忙。誰肯死前回顧。爭似我玉麈清談。金徽雅弄。高臥洞天門戶。逍遙畎畝。肆任情懷。閑伴蓼汀鷗鷺。收拾生涯。紫蟹黃柑。江上一簑烟雨。醉歸來依舊蘆花處深。月明幽浦。

試問禪關。參求無數。往往到頭虛老。磨磚作鏡。積雪爲糧。迷了幾多年少。毛吞大海。芥納須彌。金色頭陀微笑。悟時超十地三乘。凝滯四生六道。誰聽得絕相巖前。無陰樹下。杜宇一聲春曉。曹溪路險。鷲嶺雲深。此處故人音宦。千丈水崖。五葉蓮開。古殿垂簾香裊。兌葛藤叢裏老婆。遊子夢魂顛倒。

出世登真。須憑剛志。決要頓開靈慧。消塵正念。絕愛忌憂。恬淡自

知然味。雷震一聲。火發三田。半夜鳥飛千里。透簾幃。鉛鼎溫溫。恣
飲玉壺香膩。堪下手策鳳攀鸞。烹金間木。遊賞洞房佳瑞。傾光
吐秀。塞海衝山。真氣遍充天地。乘履風雲。摘騎日星。不比尋常兒
戲。把元珠收取。大羅歸去。聖賢同域。

大道幽深。如何消息說破。鬼神驚駭。挾藏宇宙。剖判元元。真樂世
間無賽。靈鷲峯前。寶珠拈出。明顯五般光彩。照乾坤上下羣生。知
者壽同山海。最至極翠靄輕分。瓊花亂墜。空裏結成雲蓋。金身
玉骨。月帔星冠。荷合水晶天籟。清靜門庭。聖賢矩範。千古儼然常
在。願學人達此希夷微理。共遊方外。

避世安時。同塵處順。淵然至人誰識。鶉居鶯食。薛逕蘿龕。深密養
廉寧極。浮定有口。出入無方。逆順神機難測。樂簞瓢笑傲林泉。未
肯折腰形役。當此際。裴几松軒。唇歌舌彈。渴飲玉壺春色。一懷

皓月兩袖清風。眞箇箇中消息。方外生涯。靜中意味。不許等閒扳摘。待迷雲吹散玉繩。高潔自知端的。

堪歎羣情迷津宛轉。飄蕩甚時休歇。爭頭競角。抵死漫生。一向戀家貪業。利鎖名韁。慾浪恩山。酒市花衢顛蹶。騁儻儻似蟻循環。不念鬢華如雪。誰肯向大朴林中。無爲鄉裏。閑伴老聃莊列。珠求罔象。夢斷華胥。高枕洞天日月。三界廓然。八表冲虛。湛湛靈光通徹。這逍遙劫外。妙哉眞樂。世間難說。

過隙年光。如毛塵事。暗把物情移換。浮浮擾擾。背覺隨塵。酒色利名縈絆。憑君看取。歷代英雄。楚越周秦唐漢。漫遺留壞塚頽碑。千古是非不斷。聞早悟碧玉壺中。白雲堆裏。別有翠霞宮殿。三天雅會。五彩光攢。朝赴紫微瓊宴。閬苑瑤池。絳闕清都。信任逍遙游翫。笑愚頑苦海。販骨無休。往來流轉。

悟入曹溪。鶴冲霄漢。雲水道人活計。臨川舉機。對境擲鉤。滂灑錦
鱗紅鯉。風送漁舟。透入雙峯影裏。駭然明霽。見煙霞極目。金丹一
粒。貴重難比。元妙處太一含真。元元成象。升降箇中無滯。堅持
九載。志鍊三千。精進五華瓊液。都在靈源。洞澈神光。真境了然超
彼。這長生久視。天機深奧。上仙真理。

創建靈壇。初修丹竈。保養太和真命。風生虎嘯。火起龍騰。變理要
依時令。金木交并。斗斡天關。旋繞滌除心徑。覩元珠一粒。流霞閃
爍。送歸金鼎。壺內景造化希夷。元機要妙。點製魄仙魂聖。元中
體用。旨裏明真。悟得本來真性。還返無窮。漸入青陽仙境。照盈虛
靜。這一輪明月。百年蒙蔽。豁然開瑩。

運炁吞霞。乘風飲露。須列五行爲則。南山赤鳳。北海烏龜。堅志用
心求得。鉛汞相迺。造化爐中。烹就一丸端的。這陰陽神用。虛無長

養浩然真息。元關悟。到此方知。盲聾耳目。得遇至人開剔。用符妙道。默運元機。瓊液轉流增益。雲水清閑。太虛空寂。寥廓本無蹤跡。這金丹一訣。平生疑難。渙然冰釋。

日月高奔。金波滿汎。七返九還延祚。真精應物。大道潛身。恍惚妙通元路。直待陽生造化。神丹龍虎。紫霄天府。這瑤函寶篆。天機須仗至人開悟。長生道。固蒂深根。仙家活計。烹鍊汞銘爲務。鑪輝五彩。鼎耀三光。識取本來宗祖。明月樓前。覩箇金蟬飛舞。翠峯明字。把凌雲一志。精誠精進。上仙科舉。

元氣口食。麻衣遮體。萬事轉頭何濟。黃芽白雪。黑水紅雲。軒帝注傳名世。深謝名師。說破希夷妙理。本來精輝。抱仙胎養就。雲鐵繚繞萬神感備。持造化箇箇圓成。人人具足。一炁返還資質。周游八景。徧賞三山。不離目前親詣。堪笑迷途。豈識陰陽宗祖。任教邪

魁煉金丹志是乾坤英秀間生豪氣。

絕粒停廚。飡霞飲露。返照自然相制。鉛生五彩。永發三光。方顯大丹苗裔。開啓朱扉。躍出金烏。飛入玉蟾宮裏。把陰陽交會。神鍾烹就。浩然真體。虛元內紫。炁盤旋。元珠閃爍。射透混成宗。睿忘機修道。隱跡求仙。常默心無凋弊。貪戀榮華。悞了赫赫神丹。恣情拋棄。有人人識道專精。謹守決然超彼。

洞曉元機。深明丹奧。賴與祖宗符契。龍耕虎種。玉液金芝。好箇道家活計。丹灶容光。靚箇嬰兒旋繞。驚天駭地。馭紫雲翠鳳相迎。真的上仙苗裔。三陽首玉藥天香。琪花寶樹。掩映瑞雲佳麗。天光潋灩。桂影扶疎。鯤化大鵬相繼。休謂狂言。性理分明消息。至人才藝。任英豪決列。精誠果敢。性情高志。

志氣凌雲。精神英秀。得脫遍求真理。虛空爐火。自己天真。遭遇便

能修製師不高明。咫尺如隔千里。安分真僞。這黃芽赤髓。時人皆有。奈何愚昧。真烈士幹運機關。鑿開混沌。奪得夜光如意。輝輝寶蓋。赫赫靈光。影隱大淵無滯。無縱心猿。盜了金鼎還丹。漫勞虛費。起三陽真火。時時烹鍊。九還逃避。

冒雪衝霜。迎風沐雨。得遇至人開悟。通微入妙。起死回生。可謂鍊丹規矩。離坎相交。反覆陰陽。須籍木龍金虎。把乾坤鼎器。五行羅列。真圭真土。元妙處種就黃芽。燒成丹藥。此理向誰分訴。玻璃鳳口。碧玉龍珠。飛出瑞雲深處。掣雷搖空。誆得三尸奔走。六賊逃口。顯仙胎飛舞。五雲繚繞。樂聲齊舉。

靜室修心。雲山養道。幾個遇人傳訣。鑪攢八卦。鼎備三才。修建道家基業。陰與陽并。幹轉樞機。旋走虎龍盤結。這天機逆順。學流不曉。豈能分別。希夷理端氣騰騰。祥雲靄靄。紫霧罩籠金闕。千神